



LIBER QUINTUS.

TITULUS PRIMUS.

De Accusationibus, inquisitionibus et denunciationibus.

Ecce forma in causarum civilium cognitio. **D**e servanda actum est in lib. 2. in prae-
senti senti quæstio est de criminibus, eorumque
que coercendorum ratione. Et quidem
quaeritur in primis quanquam ratione crimina in iudicium deferantur; agitur deinde de variis criminum speciebus; denique de poenis, quibus puniuntur, diversisque gradibus coercionum.

Forma deferendi crimina in iudicium varia fuit pro temporum varietate; et quidem primis Ecclesiæ temporibus simplicissima, ut appareat ex Actis Conciliorum; quavis etiam tunc observarentur accuratè illa omnia, sine quibus, aut damnatus quis dici posset absque debita defensione, aut non sat fuisse perspens accusatorum, atque testium qualitates. Citabantur ergo plures accusatus, ut se defend-

feenderet; instrumenta etiam ipsi exhibebantur, ut, si quid adversus ea, vel in personas accusatorum, aut testium, objiciendum habéret, statim opponebat: contumaces graviter plectebantur; denique calumniatores talioni suberant.

Immutata nonnihil fuit pristina disciplina temporibus Iustiniani; deinde verò plurima adiuncta, sicuti in Tribunalibus Saecularibus, ita et in Ecclesiasticis novam iudiciorum formam induxerunt, donec tandem recepta, firmataque fuit post speculum duodecimum quae in Decretalibus conspicitur, quamque in plurimis haustam fatentur eruditii ex falsis Isidori Mercatoris monumentis.¹

Iure Decretalium quatuor agnoscentur modi crimina in iudicium deferendi, accusatio scilicet, exceptio, denunciatio, et inquisitio, singulisque singulariæ statutæ sunt leges, ut patet in cap. 16. b. tit., in quo mentio fit trium priorum.

Antiquissimus modus est accusatio, in eo fundamentum habens, quod publicè inter sit leges cuiusque Societatis servari; quoties autem violantur, cuilibet licet ex iis, qui Societatis membra sunt, personam Reipublicæ, aut Societatis laesæ, assumere, eiusdem iura persequi: nè tamen praetextu boni publici improbis via pateat calumniandi, receptum est, ut accusator nomen suum inscribere debat, talionique subjaceat, si accusatus innocens probetur; id est, ut se obliget eandem poemam subire, si non probaverit objectum crimem, quam pati deberet reus eo probato.

Statutum eadem ratione fuit, ut ii omnes, quorum non omnino probatae qualitates sunt, repellantur ab accusando, inter quos recensentur excommunicati, qui, licet in radice iura Societatis retineant, eorumdem verò exercitio privati sunt, publici con cubinarii, inimici, eorumque domestici, cap. 7. et 3. 20. b. tit.

Cle-

*hoc virio fac
quemper labo
xant decreta
les...*

^t Clerici accusari nequeunt à Laicis, neque Clericis licet Episcopos suos accusare; quorum utrumque tribuendum est figurantis Mercatoris, cum veteri disciplinae non conveniat, ait Berardus: admittuntur nihilominus in cap. 11. Monachi suos Abbates accusantes, eisque, utpote nihil proprium habere valentibus, assignari iubentur necessaria de bonis Monasteriis.

Correcta deinde fuit paullatim disciplina circa accusationem Laicorum in Clericos, ut etiam circa propositam à Clericis in Episcopos. Primum apparet in nonnullis Rescriptis Innocentii III. aliorumque Pontificum, qui fuerunt post Alexandrum III. praecipue autem in cap. 17. de Iudicis. Ad secundum quod attinet plurima forent adnotanda, sufficiet autem dicere receptas fuisse posterioribus saeculis Clericorum accusationes in Episcopos, sicuti primis temporibus observabatur, immutatam vero formam de criminibus eorum cognoscendi, dum traditò coepit deferri ea debere ad Romanam Sedem, ut continetur in cap. 15. b. tit. et definitum fuit in Sinodo Trid. sess. 13. de Ref. cap. 8. Adjectum insuper fuit Episcopos citandos personaliter non esse nisi ob crimen depositione, aut privatione dignum, cap. 6. ead sess. et ad hunc finem erexit Sextus V. Congregationem Cardinalium super consultationibus Episcoporum. Quantum haec dissentit à pristina disciplina facile intelliget quilibet ex Canonibus Nicaenis, et Sardicensibus: sive enim appellationem ad Romanam Sedem concedant, sive recognitionem, aut revisionem, illud pro comperto omnibus est, tum ex his, tum ex aliis plurimis Canonibus, primam cognitionem criminum, ab Episcopis patratorum, ad Concilia Provincialia pertinuisse, et si venirent deponendi. Eadem fuisse Hispanae Ecclesiae disciplinam adeò conspicuè patet in nostris Conciliis, ut necessarium non sit in eo probando immorari: nota satis inter alia sunt exempla

^{+ non concilij sunt.}

Martialis, et Basilidis, item Siberti Toletani, et Potamii.

Adudi vulgo solent, ut contrarium probetur, plures canones inserti à Gratiano, praincipè in cau. 2. quæst. 3. sui Decreti: coeterum nonnulli eorum à Mercatore conficti sunt, alii autem tribuendi singularibus adjunctis, quæ innuit Berardus in Commentar. In ius eccl. univ. tom 4. Dissert. 4. cap 3: Admittenda igitur non est illorum sententia, qui assurunt à saeculo Ecclesiae secundo causas criminales Episcoporum à Summo Pontifice cognosci, aut saltem definiri debuisse, ita ut Comprovinciales, et Metropolitanani, audire eas possent, sed non definire.

Notandum etiam est praedictas Concilii Tridentini, et Sixti V. sanctiones quoad causas criminalibus Episcoporum nunquam, ni fallor, locum apud nos ita habituras, ut earum vigore Episcopi Romæ personaliter comparere compellantur: id enim merito impediret protectio Regia, gravissimis, eisque notissimis, rationibus suffulta: quod et generaliter continget quotiescumque de Reo qualibet ex causa à Regno extrahendo ageretur, uti non semel iam accidit.

Alia etiam plura statuta invenimus, circa accusationes, veluti quod licet accusatori recedere absque poena ante inscriptionem, quanvis deinde accusare volens non admitteretur, cap. 14. Sed et poterat accusatus crimen accusatori objicere, ob quod debéret ab accusando repelliri.

Verum in usu esse desit accusatio, simulque exceptio, quæ illam sequebatur; exceptis Promotoribus auctoritate publica constitutis, quibus et nung licet. Coeteris manet denunciationis via, simulque petere civiliem possunt quod sua interest.

In Tribunalibus Saecularibus fræquentatur accusatio; coeterum in desuetudinem abiit nominis inscriptione, quæ antiquitus necessaria erat omnino.

Denunciatio in eo praecipue difert ab accusazione, quod denuncians inscribere nec olim cogeretur, quanvis extra ordinem graviter puniretur, si calumniandi animo denunciasse probaretur. Postulante Reo adigendum est denuncians secretò in Curia nomen suum inscribere, licet causam substinentre non cogatur, ut, si deinde appareat malitia, puniatur: praecipue autem Promotores Fiscales hac cautela utantur expedier maximè, quoties accusationem intendere denunciatione alicuius moventur, ne nimia credulitate decepti, calumniant hominum malitias inserviant: unde et nonnullarum Dioecesum Constitutionibus Sinodalibus expresse id cautum inventur.

Denuntiationem sequitur inquisitio, in qua Iudex ex officio procedit, perinde ac si ab inquisitione sola iudicium inciperet. Sunt præterea aliae species inquisitionis, veluti cum Iudex rumore patrati criminis motus inquirit, aut dum generali peragit inquisitionem. Olim fieri non poterat inquisitio specialis, nisi contra infamatum: quod ei in huius tituli capitibus exprimitur: verum hodie generali consuetudine receperunt est, ut, quoties de patrato crimen constat, inquirat Iudex etiam ex conjecturis leviissimi.

Inquisitio generalis, seu, ut propriè loquar, generalissima, quando nempe non de criminis certi auctore inquirendo agitur, fieri prohibetur iure Regio, præterquam ex Principiis mandato speciali, Nov. Recop. lib. 8. tit. 1. leg. 3. et 4.

Et haec quidem generalia hoc loco sufficiant, quibus plura deinceps erunt adiungenda.

TITULUS II.

De Calumniatoribus.

Andreas Vallenensis, aliquie, postquam asserunt, eum dici calumniatorem, qui falso crimen scienter, et dolo malo intendit, addunt talem, praesumti accusatorem, eo ipso, quod crimen intentatum non probavit; adducuntque in sua doctrinae probacionem *caput 2. b. tit.* ex quo nihilominus deduci id neutiquam potest. Proponitur in eo species Clerici, qui de suo Episcopo excessus varios nunciaverat; cumque nullum probasset, Episcopum S. Pontifex absolvit, Clericum vero ab officio, et beneficio suspendi voluit, donec canonice suam innocentiam purgaret, ut coeteri simili poena perterriti ad infamiam suorum Praelatorum facilè non prosilirent. In iis nemo non agnoscat singularia adjuncta, ex quibus desumi nequeat regula generalis. Imperatores Valentinianus, et Valens ita aiebant in *leg. 3. C. b. tit.* Qui non probasse crimen, quod intendit, pronunciatur, si calumnia non damnetur, detrimentum estimationis non patitur; non enim si Reus absolutus est, ex eo solo etiam accusator, qui potest iustam habuisse venienti ad crimen rationem, calumniator credendus est. His congrui Imperatorum Honori, et Theodosii sententia, quae paucis rem explicat, dum aiunt in *leg. 10. eod.* Quisquis crimen intendit, non impunitam fore noverit licentiam mentiendi, cum calumniantes ad vindictam poscat similitudo supplici.

Varis poenis coerciti semper fuerunt calumniatores; verum quae exprimuntur in *cap. 1. et 2. b. tit.* in usu non sunt, cum nec verberentur ideo Clerici, nec frequenter canonica purgatio, de qua inferius. Equis vero satis acerbas inveniat poenas ad pestem hanc à societate eliminandam, et evellen-

dam? Sed fusius in *tit. de Maledicis*.

Extant Constitutiones S. Pii V. et Gregorii XIII. in calumniatores : et Benedictus XIV. reservavit S. Pontifici absolitionem accusantis de solicitatione innocentes Confessarios , aut ab aliis id fieri curantis , etiamsi retractatio sequatur in Constitutione *Sacramentum Poenitentiae §. et quoniam.*

TITULUS III.

De Simonia.

Post traditas diversas rationes crimina in iudicium deferendi , recenset Compilator varias eorum species : hae verò tunc facilius percipientur , cum generales quaedam regulæ fuerint praemissæ.

Et quidem in primis notanda accuratè venit differentia inter delictum , et crimen , quae elegantissimè exposita fuit à Berardo *De Univ. Iur. ecclasiast. tom. 4. dissert. 1. cap. 1.* Delictum , sive peccatum , dicitur quodcumque factum , dictum , vel concupitum contra legem aeternam Dei , sive expressum , sive tacitam : nemo autem non videt non quilibet ita delinquentem statim in iudicium ferri posse , aut poenis , quae legibus publicis stabilitate sunt , puniri: primo namque certum est peccata , quae in opus externum non exierunt , iudiciorum eclesiasticorum , aut saecularium , objectum neutquam esse : tunc inter peccatorem , et Deum res manet , qui iustus vindicta est in tempore opportuno : deinde non quaecunque legum divinarum infractio ita gravis est , ut oporteat eam poenis publicis coerceri : quis enim adeo iustus , ut non plures legum divinarum infractor existat ? atque huc tendit quod aiebat praeclarum Hispanias iubar Isidorus Hispalensis lib. 2. Sentent. cap. 18. Multi vi-

tam

tam sine crimine habere possunt , sine peccatione possunt.

Sed longe diverso sensu crimen desumitur ; nam hoc nomine nuncupatur factum externum , quod legibus prohibitum est , poenisque damnatum , si ve certis , sive ab arbitrio Iudicis pendebus ; de eoq[ue] solùm agitur hoc in loco.

Non omnia crimina eiusdem naturae , et qualitatis sunt : vulgo ita distinguntur , ut dicatur alia esse , que directè contra Deum committuntur , alia verò contra res Deo sacras : deinde alia singularia Clericissunt , alia his , et Laicis communia : item quaedam levia , quaedam gravia , iuxta personarum , rerumque qualitatem : tandem alia ordinaria , in quibus scilicet certa poena specialiter praefinita est , alia extraordianria , in quibus ea pender à Iudicis arbitrio.

Simonia , de qua in hoc titulo sermo est , recensetur inter crimina in res Deo sacras admissa . Et quidem latissimè patet eius materia , cuius ut saltem generales regulæ facilius percipientur , primum tradetur quid sit simonia , eiusque variae species ; deinde quænam poenae adversus simoniaeos sint stabilitæ.

Definitur vulgo simonia studiosa voluntas emendi , vendendique res sacras , aut religiosas , vel sacris , aut religiosis coarentes . Quantunvis enim simoniaca turpitudine in res tantum temporales , aut profanas , non cadat , si tamen annexæ inseparabiliter sint spiritualibus , nequit altero vendito aliud invenditum remanere . Annexæ spiritualibus res dicuntur tripliciter , scilicet antecedenter dum ad spirituales referuntur , concomitanter , aut consequenter .

Nomen desumpsit crimen hoc à Simone Mago , qui eo temeritatis devenit tempore Apostolorum , ut ab eis Spiritus S. gratiam , quae tunc per signa visibilia apparebat , emere conatus fuerit .

Triplex turpitudo reperiri vulgo creditur in si-

Gg 2

mo-

- monia: prima in eo consistit quod res spirituales, quarum infinita est aestimatio, temporalibus aequi-parentur: secunda in eo est, quod simoniacus cre-dat versari se posse in rebus sacris, sicut in pro-fanis: tandem tertia ex eo desumitur, quod qui spiritualia pro temporalibus tradit, dominum agat spiritualium, quarum solum est dispensator, qui quod gratis accepit, gratis dare tenetur. Hinc pro-venit quod alia simonia aliis atrocior sit, cum in quibusdam speciebus praedictae omnes turpitudines inveniantur, in aliis una, aut altera.

Apparet ex definitione materiam simoniae non solum in rebus ipsis sacris, aut spiritualibus con-sistere, verum et in temporalibus, quae eisdem an-nexae sunt, quales sunt Monastica professio, Prae-bendae, sepulturae, ius Patronatus, & aliae huius-modi. Quod ad rem, quae pro spirituali traditur at-tinet, verum est simoniām proprie non adesse nisi spiritualis tradatur pro temporali; coeterum, etsi spiritualis pro spirituali detur, turpissima exerce-tur mercatura, et ita se quis gerit in spiritualibus quasi forent temporalia; quapropter simoniaca re-putatur et haec commutatio, nisi auctoritas legitima interveniat. Accedit quoque quod, dum permutan tes rem spiritualem pro alia spirituali fugiunt Su-perioris legitimū interventum, prae sumenda sit pallia-ta aliqua simoniaca turpitudi; ea autem cum facilē deprehendi nequeat ob simoniacorum calliditatem, congruum fuit stabilire, permutations omnes abs-que legitimū Superioris auctoritate factas censeri dé-bere simoniacas, licet fortè tales revera non sint. Hinc nonnulli praeter simoniām veram iure naturali, et divino prohibitam, statuant aliam iuris positivi hu-mani tantum, quam aequè vocant quasi simoniām, seu simoniām, quatenus prohibitam; quod tamen ego non facilē admittere, ex eo quod praedictae pactio-nes reprobentur tanquam verē simoniaceae praesump-

tivē, licet probari earundem vitium nequeat ob va-rias ita pacientium artes, et calliditates. Sed ne-que refert rem spiritualiē quis adipiscatur media-temporalī pretio aestimabilē, vel obsequiū eo ani-mo gerat, aut denique Potentiorum, vel Amicorum commendationib⁹ eam adquirat: et hoc est quod vulgō traditur, triplex nempe esse munus, quod simoniām constituit, à manu scilicet, à lingua, et ab obsequio.

Dividitur simonia in realem, mentalem, et con-fidentialē. Realis dicitur quoties spiritualia ad-ministrans non aliter hoc munus gerit, quam si tem-poralia quaedam, minime debita, ipsi praestentur; et hoc vel expressē fit, vel tacitē. Mentalis est dum qui spiritualia administrat iure quidem percipit ali-quid temporale, interea tamen ea mente, eoque fine, administrat; veluti si ideo concionetur ut sti-pendia percipiāt. Confidentialis appellatur dum ali-cui beneficium in eum finem conferetur, ut post tem-pus aliquod alterius gratia illud resignet, et qui-dem vel expressē, vel tacitē, fide de hoc accepta.

Simoniām omni iure esse reprobatam receptum generaliter est; disputant nihilominus Canonistae an detur aliqua eius species, quae iuri solum eclesiasti-co aduersetur, ut suprā innuimus.

Apprimè agnoscens Ecclesias quam gravia oriantur mala ex simoniaci conventionibus, plura singularia admissit in odium simoniacorum, uti apparet in cap. 3. et 7. b. tit. in quibus traditur, quoslibet cri-minosos admitti in huiusc turpitudinis accusatio-nem; in quo tamen cautē se debet gerere Iudex, ne innocentes pravorum hominum malitia damnen-tur, prae oculis habens haec, aliaque huiusmodi, stabiliri debuisse quando haec labes plurimorum ani-mos infecisse visa est, et litterarum, et disciplinae eclesiasticae studia miserri-mē languescebant. Sed et optanda foret generaliter illius regulæ abolitio, iuxta

N^o quam in gravissimis criminibus testes, vel accusatores illi admittuntur, qui rejiciuntur in minoribus. Quod graviora crimina fuerint, clariores, certioresque recta ratio exigit probationes; nam gravissimis criminibus gravissimae respondent poenae, ex hisque metienda iniuria est, si innocens quis damnetur. Excluduntur, dum agitur de criminibus non ita atrocibus, nonnulli ab accusando, aut testificando, ex eo quod eorum fides integra non sit, quandoque certus per eam reddi nequeat iudex de veritate; vereri ergo potius debebit eorum testimonium si quaestio sit de crimen, ob quod imponendae veniant poenae gravissimae.

B Cam radix simoniae in avaritia sita sit, mirum quot pallia excogitaverint, et excogitent quotidie homines turpi lucro inhiantes: his omnibus occurrit studuit semper Ecclesia, indeque est quod plurimae in dies emanaverint sanctiones, quas videre, quis poterit apud illos, quibus consulto rem hanc tractare contigit: ex eis simul disset varias simoniacorum artes, et calliditates.

Poenae stabilitate in eos aliae, atque aliae sunt pro diversa cuiusque criminis specie. Generaliter asseri potest simoniacos incurrere excommunicationem; eique adiunge suspensionem, si agatur de simonia in collatione, aut receptione Ordinum commissa. In simoniacos confidentiales peculiares praeterea poenas statuerunt Sum. Pontifices Pius IV. et S. Pius V. Propterea dum casus occurrit, consulenda erunt Pontificiae Constitutiones et Conciliares Sanctiones.

TITULUS IV.

Ne Praeclati vices suas, vel Ecclesias sub anno censu concedant.

Hic Titulus pars est, et sequela precedentis. Praescribitur in eo iurisdictionem ecclastiam sub anno censu concedi non debere; quod etiam statuit Concilium Trident. in ses. 25, de Reform. cap. 11. Aequè stabilitur de regimine, et administratione Ecclesiarum in cap. 3. b. tit. Aliud est de fructibus Ecclesiarum, aut Beneficiorum, de quibus sermo est in cap. ult. coeterum habenda prae oculis sunt quae diximus in lib. 3. tit. de Locat. et Conduct. de Constitut. Pauli II. et Benedicti XIV.

TITULUS V.

De Magistris, et ne aliquid exigatur pro licentia docendi.

Praecipit in hoc Titulo, ut in unaquaque Ecclesia Cathedrali constituantur Magister, qui eiusdem Clericos, et Scholares pauperes, doceat. Deinde iungitur quod Magistro huiusmodi tribuatur competens beneficium, quo sustentari commodè valeat. Prohibetur tandem, ut quidquam exigatur pro licentia docendi, ne quidem praetextu consuetudinis, cap. 2. et 3. His constitutionibus occasionem praebuisse tradit Antonius Augustinus Cancellarius quendam Parisiensem, qui exigere consueverat argenteam unam marcam ab his, qui publicè docere vellent.

Innocentius III. praedictae Alexandri III. consti-

tutioni robur addidit , statuens in cap. 4. ut non solum in Cathedrali , sed in qualibet alia Ecclesia , cuius redditus ferre id onus possent , constitueretur Grammaticae Magister . Voluit quoque , ut in Metropolitanâ Ecclesia stabiliretur Magister Theologiae , assignatis Praebendæ alicuius fructibus , quin tam ideo Canonicus fieret .

Confirmata haec sunt ab Honorio III. in cap. ult. illo insuper addito , quod tam docentes , quam studentes predictâ formâ in Theologica facultate per quinque annos de Apostolicæ Sedi licentia , integrè percipiunt fructus Praebendarum , et Beneficiorum suorum : id autem confirmavit deinde Sinodus Tridentina , et intelligendum aequè est de illis , qui édissent Canonicum , aut Civile ; item de iis , qui huic student , ut sacrî canonicis addiscendis sibi viam parent . Coeterum animadvertisendum est hoc induito studentes non frui , nisi litteris vacent cum consensu singulorum Ordinariorū , in quorum Dioecesisibus habuerint beneficia ex Constitutione , Sanctissimus Pii IV. edita die 24. Novembris anni 1564. Deinde potandum iuxta responsa Congregationis Concilii illud non prodesse iis , qui vigesimali quantum aetas annum attigerunt : sed et curare debent Episcopi , ut eos monet Cardinalis à Petra , ut licentia huiusmodi nonnisi illis indulgeatur , qui bonam spem proficiendi in scientiis praebeant , cum mens Ecclesiae ea sit , ut eisdem instructi ubiores deinceps fructus Ecclesiae ipsi reddant , non ut studendi obtenti divagandi occasio praebeatur . Innocentius XII. in Constitut. Sanctissimus anni 1693. quoad Canonicos , et Beneficiatos Urbis Romæ indultum hoc ita restrinxit , ut triennii spatio tantum , et nonnisi minoribus viginti quinque annis favetur .

Adjicere his omnibus iuvat Concilii Viennensis sanctionem , in qua praecepitur , ut in Universitatibus , Salmanticensi , Parisensi , Oxonensi , et Bo-

no-

noniensi , atque ubicunque Romanam Curiam residere contigerit , constituantur cum competenti dote Magistri Linguarum Haebraicæ , Arabicae , et Chaldeæ , Clement. 1. b. tit. Vix necessum est adnotare nullam apud nos vim esse huiusmodi Sedis Apostolicae sanctionibus , utpote de rebus , quae à Regia Potestate unicè pendent .

Relatas superiùs Constitutiones renovavit , et ad certam formam reduxit Tridentina Sinodus in sess. 5. de Ref. cap. 1.

De Iudeis , Saracenis , et eorum servis.

DIRECTE contra Deum peccare illi praecipue dicuntur qui Christi fidem penitus versantur ; in hoc autem numero recensentur Iudei , Saraceni , Haeretici , Apostatae , et qui praedictis proximè accidunt , Schismatici ; de quibus omnibus nunc agitur , et quidem in praesenti Titulo de Iudeis , et Saracenis .

Notum omnibus est Iudeeos eos esse , qui vetus Testamentum adhuc retinent , promissi Messiae adventum expectantes . Saracenorum nomine significantur omnes , qui Idolorum superstitioni dediti sunt , et verum Deum ignorant ; qui etiam vocantur Agareni , et Gentiles , quasi ex diversis Gentibus illis coniuncti , qui originem ducebant ab Agar ancilla Saræ , et distinguebant ab Haebreis , qui denominati sunt ab Heber . Dicuntur idem Pagani à quarto , aut quinto Ecclesiæ saeculo , in quo ejecti ē Civitatibus ab Imperatoribus Christianis , Pagos habitate coacti fuere . Plerisque à saeculo septimo impia , absurdâque Mahomae sectâ deceptos videmus .

Ad coercendam Iudeorum petulantiam variae pro diversitate temporum editae sunt leges , tum à Tom. II.

Hh

Sum.

Sum. Pontificibus , tum à Principibus Saecularibus . Nonnullae recensentur in hoc Titulo ; plures extant in Corpore Iuris Patrii , in quibus recensendis immo- rari supervacaneum foret : novae etiam in dies pro- deunt in illis Regnis , in quibus , et degere , et Si- nagogas habère ipsis licet.

Quo tempore Christianorum acies in ea loca pro- fectae sunt sub nomine Cruciae , in quibus perac- ta fuere Religionis nostrae sanctissima mysteria , edi- tiae fuere plures singulares constitutions , tum ad excitandos fidelium animos , tum etiam ne quis temerè auxilium impiis impetraretur , uti appareat in cap. 6. b. tit. Idem accidit quandiu haec Regna ti- rannidi Saracenorum jacuere miserè subjecta.

T I T U L U S VII.

De Haereticis.

Tradit latè Van-Espenius in part. 3. tit. 4. quaen- nam requirantur , ut dicatur quis propriè haereticus , sumpto nomine eo sensu , quem hodiè prae- sesert. Dici uno verbo potest eum esse haereticum , qui sciens , quidquam adversus fidei dogmata , tenet : nam si ignorans id efficiat , aut de re agatur , quae nondum ab Ecclesia definita est , non vocatur haereticus. Aliud est de opinionibus haereticis ; nam ut tales iudicentur sufficit quod fidei contrariae sint , licet ab Auctore ex ignorantia , et absque ulla pertinacia , prolatae fuerint. Damnantur merito plurimi- ae opinions , licet directò fidei non adversentur , proindeque non sint propriè haereticæ , ex eo quod haeresim sapient , aut sint male sonantes , scandalosæ , impiaæ , temerariae , iniuriosæ , schismati- cae , aut solùm erroneæ ; in his autem omnibus adhibenda accurata distinctio est.

Quamplurimæ statutæ sunt poenæ in haereti-
cos,

cos , tum ab Ecclesia , tum à Principibus Saecularibus ; inter quos eluent Catholicí Reges nostri , quorum egregia solicitude extirpandis haeresibus , amplifica- candaque Catholicæ Ecclesiae , tum in aliis , tum praesertim in Tribunal Inquisitionis fidei appetet.

Haeresi valde proximum est illorum crimen , qui in Sacramentali Confessione , aut occasione illius ad turpia solicitant ; nam , utaiebat S.P. Pius IV. in Constitutio edita pro Regnis Hispaniarum die 17. Aprilis , anni 1561. quaque deinceps extensa fuit ad reliqua omnia à S. Pontifice Gregorio XV. inducere in animum quis nequibit , quod , qui de fide cat- hólica rectè sentiunt , Sacramentis in Ecclesia Dei institutis ita abundantur. Quamplurimæ prodierunt Constitutiones circa formam in eos procedendi , tum etiam circa casus , in quibus manet necessitas eos denuntiandi , quae videri possunt apud Giraldi ad b. titulum.

T I T U L U S VIII.

De Schismaticis , et ordinatis ab eis.

Schismatici illi sunt , qui ab unitate universalis Ecclesiae , separantur , abjiciuntque à se Romanæ Ecclesiae , quæ centrum huius unitatis est , subjectionem ; quod vix unquam ab haeresi sciunctum est.

Variae sunt species Schismaticorum , aliae alii damnabiliores ; nam quiddam tantum à Praelato suo separantur ; alii etiam Praelatorum superiorum com- munionem et potestatem , effugient , non excepta S. Pontificis iurisdictione ; de eisque propriè in hoc loco sermo est. Tandem quiddam facto tantum ab Ecclesia separantur , alii etiam censem Ecclesiam di- vidi posse , proindeque haereticæ simul sunt.

Dicitur in cap. 1. b. tit. ordinaciones ab Schis- maticis factas irritas esse ; quod tamen ad exerci-
tium

244 EXPLANATIO IUR. DECRETAL.

tium referri debet , non ad caracterem , dummodo
 debitam servaverint formam , ut diximus in lib. i.
 quanvis enim Alexander III. in Concilio Latera-
 nensi , ex quo desumptum est hoc caput , ad An-
 tipapas sui temporis reflectens , irritas eas decla-
 verit , explicit eius sententiam Innocentius III. in
 cap. 2. exercitum tantum ita ordinatis prohibens , do-
 nec cum eis legitimè dispensetur ; et expressius deinde
 Clemens VIII. in Constitutione *Sanctissimus Do-*
minus , anni 1595. in qua assurit ordinatos ab Epis-
 copis Schismatis , alias ritè ordinatis , servatá de-
 bítâ formâ , recipere quidem ordinem , sed non
 executionem. Addidit quoque dispensationem à Se-
 de Apostolica esse obtainendam.

TITULUS IX.

De Apostatis , et reiterantibus baptismis.

A postasiae nomen quemcumque significat , qui à
 semel suscepta vitae ratione recedit ; contrahitur
 verò , ut denotet primo eos , qui catholicam fidem ,
 quam per baptismum amplexati sunt , deserunt , et
 ad Idolorum cultum , vel impia Mahomae dogmata ,
 aut ad Iudaismum convertuntur ; quorum crimen
 immanissimum est , cum , ut ait S. Pontifex in cap.
 4. b. tit. minus malum sit viam Domini non agnos-
 cere , quam post eam agnitarum retroire. Secundò di-
 cuntur Apostatae , qui Clericalem , aut Monacha-
 lem militiam deserunt post professionem , aut sa-
 crorum Ordinum suspicionem ; atque de his praecipue
 agitur in hoc Titulo ; statuiturque primò Cle-
 ricum , qui , habitu suo abjecto , criminosè vivit ,
 privatum censeri privilegiis clericalibus , de quo
 actum est alibi ; deinde tam eos , quam Monachos ,
 habitum dimissum iterum sumere cogendos : et si
 ali-

TITULUS IX.

245

aliquem ordinem in Apostasia suscepserint , etsi
 Praeclaro reconciliati sint , eis non licere ministra-
 re absque S. Pontificis dispensatione , cap. 5. et 6.
 b. tit. quanvis in primo sermo sit tantum de Mo-
 nachis , prout refertur à Gonzaleto.

Gravissimi criminis rei sunt , qui collatum va-
 lidè baptismum audent iterare , et non parùm de
 haesiti suspecti ; quapropter consultus S. Pontifex
 in cap. 2. de Acolyto , qui huiusmodi iterationi as-
 tituisse dicebatur , responderet eum ad superiores ordi-
 nes promovéri non debere , si publicè id notum
 esset , nisi prius profiteretur Religionem ; sin autem si
 factum esset occultum , promovéri posse post per-
 actam poenitentiam .

Animadverxit rectè Giraldi ad hunc titulum eum ,
 qui baptismum validè collatum iterat , sentiens esse re-
 iterandum , incidere in poemam à Sinodo Tridentina
 stabilitam in canone 9. sess. 7. de Baptismo
 his verbis : *Si quis dixerit verè , et ritè collatum*
baptismum iterandum esse illi , qui apud Insidieles
fides Christi negaverit , cum ad poenitentiam conver-
 titur , anathema sit : practereaque vehementer esse
 suspectum de haeresi Novatianorum , et Anabap-
 tistarum .

TITULUS X.

De His , qui filios occiderunt.

A lexander III. in cap. 1. b. tit. vult , ut mulier , quae
 proprium filium , calore iracundiae correpta , occide-
 rat , Monasterium ingredi suadeatur : si verò pe-
 riculum incontinentiae adsit , mandat Episcopo , ut ei
 licentiam tribuat nubendi : coeterum Lucius III. in
 cap. 2. agens de muliere , quae idem crimen ad-
 misserat , viro eam restituì praecepit , neque prohibi-
 beri reliquos filios gubernare peractâ poenitentia .
 Apud

Apud nos minimè evaderet iustissimam legum ci-
viliū vindictam. In cap. ult. de illorum parentum
imprudentia sermo est, qui cum infantibus in eo-
dem recumbunt lecto, quod patet quot periculis
sit obnoxium; eisque imponitur poenitentia, si oc-
cisi in lecto puerili inveniantur.

Sixtus V. in Constitutione *Aesfrenatam* graves
in eos imposuit poenas, qui directè, aut indirec-
tè, foetus abortum procurant. Moderatus quadrante-
nus deinde fuere à Gregorio XIV. in Constitut. *Sedes
Apostolic.* Lure Regio foetus animati abortum pro-
curantes capite plecti iubentur, *leg. 8. tit. 8. Part.
7. sequento nimis effectu;* si vero inanimatus ad-
huc foret, exilio damnantur.

TITULUS XL

De Infantibus et languidis expositis.

Si parentes, aut alii, eis scientibus, atque con-
sentientibus, filios suos exponant, liberati hoc ipso
remanent à patria potestate; non tamen propterea
vindicare sibi aliquod ius poterunt qui eos recepe-
runt, et nutrirunt, iuxta cap. un. b. tit.

Dubitari quotidie contingit an, et quomodo
conferendus sit eis baptismus, præcipue si cum
appensa reperiantur schedula, in qua asseratur, eos
esse baptizatos: nihilominus baptizari eos debé-
re sub conditione, nisi alia probatio adsit, pro-
bat Giraldi adductis constitutione Concilii Tol-
osani ann. 1590. et praxi S. Caroli Boromei cum
responsione Congregationis Cardinalium anni 1723.
Idem statuitur in Constitutionibus Sinodalibus Dio-
cesis Toletanae anno 1682. editis.

TITULUS XII.

De Homicidio voluntario, vel casuali.

Gravissimum homicidii crimen, de quo in hoc
Tit. considerari potest quatenus statutae poenae sunt
in homicidas, tam legibus, quam canonibus, vel
quatenus inducit irregularitatem etiam in his ad-
iunctis, in quibus iniustum foret poenis homicidas
coercere. Distinguendum ergo est inter homicidiis
species, nam aut voluntarium dicitur, aut necessa-
rium, aut casuale.

Adeò atrox reputatur illius crimen, qui de in-
dustria, et per insidias, proximum suum occidit,
ut etiam iure Asyli indignus omnino indicetur; quod
non tantum legibus civilibus, et canonicis statutum
est, sed et cautum à Deo erat in lege veteri, ut
patet in cap. 1. b. tit. in quo haec verba leguntur
ex cap. 21. vers. 14. Exodi transcripta: *Si quis
per industria occidit proximum suum, et per in-
sidias: ab altari meo evelles cum, ut moriar. Mor-
te quoque damnatur, qui, licet non insidioso, vo-
luntariè tamè, et iniuste, hominem interficit. Só-
ciū quoque criminis, et qui quoquo modo adiutorium,
aut consilium praebuerunt, puniuntur iuxta criminis
qualitatem, et adjuncta. Si vero vim vi repellere
coactus occidat, quo casu necessarium dicitur
homicidium, aut si casu mors sequuta fuerit, lo-
cus non erit vindictæ legum, nisi aut moderamen
inculpatae tutelæ excesserit qui propriæ defensio-
ni erat intentus, aut casum culpa præcesserit; tunc
enim extra ordinem punietur. Hinc est quod tradi-
tur in cap. 3. b. tit. ex D. Augustino, scilicet non
imputari homicidium illi, qui furem nocturnum in-
terfecerit, cum timere debeat non furandi modò;
sed et necandi animo, dominum suam ab eo perfodi;* aliud

aliud verò esse si orto iam sole furem viderit. Sed et in hac specie rectius ex facti adjunctis res aestimabitur, cum contingere possit, ut mortem evadere quis valeat absque furis nocturni interfectione, nequeat verò, nisi diurnum occidat. Et haec quidem generales regulae sunt, si agatur de poena homicidae imponenda: alia autem principia statuenda sunt dum queritur incurrit necne irregularitatem.

Diximus in lib. i. non quibusunque indiscriminatum patére aditum ad Ordines, sed plurimos excludi, sive ob admissum crimen, sive ob defec-
tum, qui, licet ipsis imputari non valeat, efficit tam
enim quod arcéri ob Ordinibus debeant, ut decó-
ri Sacramentorum consulatur. Quicunque impedimen-
to huiusmodi laborant, vocantur irregulares; quod
nomen non ita antiquum est: res vero significata
provenit à tempore ipso Apostolorum, ut patet ex
Epistolis Pauli ad Thymotheum, et Titum. Irregulari-
tas ergo duplex est, alia ex crimen, alia ex de-
fectu: item quandoque consideratur ut poena, quando
nempe à crimen venit, quandoque ut impedi-
mentum tantum. Omnes fere irregularitatis species,
quae à defectu procedunt, recenseri debuerint in
lib. i. quae autem ex crimen veniunt hic passim
occurruunt; et primò quidem quae ex homicidio.

1. Ex duplice capite ea oriunt potest, ex crimen ni-
mirum, aut defectu. Ex crimen irregulares sunt
qui homicidium quoquo modo voluntarium directè,
vel indirectè, admisserunt: deinde qui casu occide-
runt, sed minime adhibita debita diligentia ad vi-
tandam necem: tandem qui occiderunt casu, et
absque culpa; sed dantes opaeram rei illicitae. Iti,
quibus nihil horum objici valet, sunt irregulares ex
defectu, scilicet lenitatis; veluti qui iuste senten-
tiā dixerunt in causa capitali, aut eam, deponen-
do, vel alia ratione, adjuverunt. Dubium fuit an
 - 2.
 - 3.
 - 4.
- Lullia Cle-

Clericus, qui Reum in Iudicio civiliter prosecutus est, fiat irregularis, si damnatus ille criminaliter fuerit à Judice: et quidem eum non esse irregu-
larem traditur in cap. 21. b. tit. sicuti nec illum
censeri debere irregularem prescribit Bonifacius VIII.
in cap. 2. b. tit. in 6. qui conqueritur apud Iu-
dicem de admisso in se crimine, ob quod infligen-
da venit poena sanguinis, dummodo protestetur ex-
pressè se aq. vindictam sanguinis non intendere.

Et quidem haec sunt in ista specie quae in Corpo-
re Iuris inveniuntur regulae; verū forsitan non im-
merito solidiora desiderabili principia qui rem ac-
curatè perpendat. Qui sententiam in capitali causa
iustè fert, exercet potestatem à Deo ipso venien-
tem, atque saluti publicae, quae suprema lex est,
ut oportet, consulti: qui autem deponunt, aut alter
Iudicem iuvant, obediunt potestati, cui resistere
foret nefas: in iis verò adjunctis non facile adduci
possunt ut credam, notam irregularitatis iustè
inuri: licet enim dicatur ex defectu non ex crimi-
ne eo case provenire, proindeque neque poenam
censeri; nota tamen est, et poenae effectus habet.
Deinde, si in eo, qui apud Iudicem conqueritur
de crimen, ob quod imponenda venit poena ca-
pitalis, sufficit ex Bonifacio VIII. ad evadendam ir-
regularitatem protestatio actui contraria, quae cen-
seri deberet nulla, licet nulla eum cogat necessitas
accusandi; quidam potiori ratione dici posset Iudi-
cem, aut testem, quibus necessitas manet ita iu-
dicandi, aut testificandi, quicque opus bonum in eo,
opusque virtutis operantur, irregularitate liberari.
Hanc sententiam amplexata videtur Congregatio Car-
dinalem in quoddam responso, quod refertur à
Giraldi; consulta enim anno 1661. ab Episcopo
Liciensi an exhibere posset absque irregularitatis metu
librum baptizatorum, ex quo constabat maiorem na-
tu esse Iuvenem de criminibus gravissimis accusatum,

Tom. II.

li

qui,

optime.

250 EXPLANATIO IUR. DECRETAL.

qui, cum aliter poenam capitis nequiret evadere,
excepatur se in minori aetate constitutum. Advo-
cato Fisci id negante, atque ad elidendam hanc
exceptionem librum sibi exhiberi petente; respondit
eo casu per exhibitionem libri baptizatorum non con-
trahi irregularitatem: ex eo haud dubie quod praec-
cepto Iudicis parere Episcopus teneretur.

TITULUS XIII.

De Torneamentis.

Interdicitur in hoc Titulo usus Torneamentorum, statuiturque eos, qui in huiusmodi ludis decedunt, privandos esse Ecclesiastica sepultura, quanvis pe- tentibus deneganda non sit poenitentia (1).

Torneamentis valde affines sunt Taurorum agi-
tationes, quae in his Regni frquentantur, qua-
que prohibita fuerunt a S. Pio V. in Constitutione
de Salute, anni 1567. sub gravissima anathematis
poena ipso facto incurrienda, tam a Principibus, coe-
terisque, qui eas in suis Ditionibus permisserint;
quam a Clericis Regularibus, et Saecularibus, qui
agitationibus huiusmodi interfuerint. Verum Grego-
rius XIII. et Clemens VIII. in Constitutionibus
editis die 25. Augusti anni 1575. et 13. Januarii
anni 1596. ita temperarunt praefatam S. Pii V. ut
anathematis, aliaeque poenae in ea stabilitate, so-
lum subsistant in his Regni quoad Monachos, Fra-
tres Mendicantes, coeterosque cuiuscunq; Ordinis
et instituti Regularis, Coeterum vult Clemens VIII.
ut Taurorum istae agitationes festis diebus non fiant,
et ut per eos, ad quos spectat, provideatur, ne
in-

N*on*

(1) Torneamenta ludi sunt, in quibus ex condicto ad os-
tensionem virium, et audacie, invicem quilibet armis
aggrediuntur.

TITULUS XIII.

251

inde alicuius mors, quoad fieri poterit, sequatur.
Clericos verò saeculares beneficia ecclesiastica ob-
tinentes, et in sacris Ordinibus seu in ecclesiastica
dignitate constitutos, hortatur in Domino, et mo-
net, ne paterna ista Sedis Apostolicae benignitate
abutantur, sed memores munieris, et vocationis suae,
eam utriusque rationem habeant, ut nihil quod à
propria dignitate, et à sua, coeterorumque salute alienum
existimetur, ullo unquam loco admisisse ar-//
guantur.

Nota lapsum Giraldi ad hunc Titulum, dum pree-
dictam Constitutionem tribuit Sum. Pontifici Cle-
menti VII. ni potius dicere velis praeli mendum.

TITULUS XIV.

De Clericis pugnantibus in Duello.

Statuitur in hoc Titulo Clericum in Duello ingre-
sum esse deponendum, sive obtulerit, sive accep-
taverit Duellum: conceditur autem Episcopo dispen-
sandi cum eo potestas, dummodo mors, aut mutila-
tio sequuta inde non fuerit. Deinde traditur irregu-
larem fieri Clericum, non tantum si ipse in Duello
pugnans aliquem occiderit, verum etiam si pugil,
aut campio eius nomine pugnans id efficerit; quod
ad mediis temporis consuetudines referendum est,
de quibus inferius.

Gravissimae statuae sunt poenae adversus pug-
nantes in Duello, vel ad illud provocantes, licet
sequata pugna non fuerit; item contra eorum pa-
tronos, socios, aliquos fautores, tam legibus eccl-
esiasticis, quam saecularibus; et non tantum si Duel-
lum solleme, et formatum fuerit, de quo loquuta vi-
detur Tridentina Sinodus in sess. 25. de Ref. cap. 19.
sed etiam si privatum. Vidependae sunt Constitutio-
nes

Gregorii XIII. Clementis VIII. Benedicti XIII. et XIV. in quibus recensendis integrè ne nimium immoremur, referre tantùm iuvat verba Concilii Tridentini praedicto loco, quod, postquam ait, detestabilem Duellorum usum fabricante diabolo introductum, ut cruenta corporum morte animarum etiam perniciem lucretur, vult, ut, qui pugnam commiserint, et qui eorum patrini vocantur, excommunicationis, ac omnium suorum bonorum proscriptionis, et perpetuas infamiae, poenam incurram, et ut homicidae iuxta sacros canones puniri debeant, perpetuòque carēant ecclesiastica sepultura, si in ipso conflixtu decesserint. Deinde illos, qui consilium in causa Duelli, tam in iure, quam facto, dederint, aut alia quacunque ratione ad id quemquam suaserint, nec non expectatores, excommunicatione, ac perpetua maledictione, damnat, non obstante quocunque privilegio, seu prava consuetudine, etiam immemorabili.

Gregorius XIII. in Constitutione *Ad tollendum* extendit praedictas poenas ad Duellum privatum, quod initur ex condicto, statuto solùm loco, et tempore, absque patrini, sociis, securitate loci, et provocatoriai chartulis.

Clemens VIII. in Constitutione *Illi vices* locum eas habére voluit, in omni privato certamine, et in omni provocatione, et cooperatione attentata, etiam non sequuta pugna, neque accessu ad locum, atque in cooperatione circa chartulas, vel disfida-tionis nuntia, licet provocaciones intimatae adversario, non fuerint, si per ipsos cooperantes id non steterit. Declaravit insuper excommunicationem, quam hi omnes incurram, esse Papae reservatam, et locum certaminis incurrire eo ipso interdictum Papae reservatum.

Tandem Benedictus XIV. in Constitutione *Detestabilem* proscriptis sequentes propositiones: I. Vir-

Mi-

Militaris, qui nisi offerat, vel acceptet Duellum, tanquam formidolosus, timidus, et abjectus, atque ad officia militaria ineptus haberetur, indeque officio, quo se, suosque sustentat, privaretur, vel promotionis alias sibi debitae, ac promeritae spe perpetuo carere deberet, culpa, et poena vacaret, sive offerat, sive acceptet Duellum. II. Excusari etiam possunt honoris tuendi, vel humanae vilipensionis vitandas gratia, Duellum acceptantes, vel ad illud provocantes, quando certò sciunt, pugnam non esse sequituram, utpote ab aliis impedientiam. III. Non incurrit ecclesiasticas poenas ab Ecclesia contra duelantes latas Dux, vel Officialis militiae, acceptans Duellum ex gravi metu amissionis famae, et offici.

IV. Licitum est in statu hominis naturali acceptare, et offerre Duellum ad servandas cum honore fortunas, quando alio remedio earum jactura propulsari neguit. V. Asserta licentia pro statu naturali applicari etiam potest statui Civitatis malè ordinatae, in qua nimirus, vel negligentiā, vel malitiā Magistratus, iustitia aperte denegatur.

Poena capitisi inflicta est à Rege nostro in duelantes.

T I T U L U S X V.

De Sagittariis.

Prohibet Innocentius III. in *cap. un. b. tit. sagittarum*, et balistarum usum adversus Christianos, et Catholicos, sub anathematis poena. Hodie haec arma in usu non sunt, et parum interest quibus cum pugnetur, etiam contra Catholicos, dummodo iustae siat bellī causae, quod conscientiae Principum, non Sedis Apostolicae arbitrio relinquitur. Sanè iure Gentium inhonestus etiam in bello iusto habetur quo rūndam armorum usus.